

PARADA DI MUCHA NA PLAYA CASI MES GRANDI CU CARNAVAL 30

ORANJESTAD(AAN)— E parada di ayera di mucha na Playa a resulta mas grandi cu hopi hende a kere y por bisa cu e tabata casi mes grandi cu e parada di mucha di aña pasa cu tabata un aña di celebracion di lustro.

Den e parada ayera a tuma parti 21 grupo, di cual 19 a inscribi, pero ayera a bini dos acerca, pero si mester conta e grupo di Noord separa, por bisa cu e parada tabata tin mes tanto participacion di grupo y participante cu aña pasa.

Tur e gruponan di Noord y Tanki Leendert ayera a combina bao di un solo nomber, esta Centro di Bario Noord.

Aña pasa den parada di mucha na Playa a participa 25 agrupacion.

Gruponan cu ayera si-gura a sobra sali tabata Fantasia di Cuadra di Lee Tai, Masters of the Universe di Club Caribe, 25 aña den Carnaval di Silvia Lourens y e cosecha di aña di Picaron.

E grupo di Lee Tai a presenta algun cuadro masha bunita, manera entre otro e dosnan cu a habri parada, esta di Willem II toren y di e cas Arubano cu paisahe su tras, cualnan tabata verdadera obranan di arte.

Masha bunita tabata e Carosa di Reina Mirla ELizabeth Passhier, reina infantil 1985, carosa di Rembrandt, e roadpiece-nan, e bouquet cu flor cora den su vaas, e curazonnan, e Aruba como palet cu verfnan, e cuadro double, y carosa di cuadronan di Lee Tai su grupo Fantasia di Cuadra.

TOTT Resorts a presenta tambe un bunita carosa di Hotel & Restaurant Werknemers Vereniging, e Eifeltoren y e holoshi di cuckoo cu a ser admira masha hopi.

Silvia Lourens a duna competencia fuerte e aña aki den luho un biaha mas cu su 25 Aña den Carnaval. Tabata un fiesta completo.

E mini carosa cu su pia-

no y instrumentonan musical pa anima fiesta., e bolo grandi di 25 aña di celebracion, e bolo roos pa parti rond, strawberry, mangelnan den schaal-tje buki di invitadonan, petchinan pa mucha, macuto nan di cos dushi pa hiba cas, champaña, y hasta tabata tin e tarjeta di felicitacion, e minicarosa cu "Pabien Silvia, di Aki Aya".

E jungle festival tambe a cay masha na agrado di e publico sigui pa The Jailers. Di e grupo aki especialmente e cel 31 a cuasa hopi risa. Poppylandia tabata un grupo bunita di clownnan, sigui pa tur e gruponan di Tanki Leendert y Noord cu a baha Playa bon representa. Di e gruponan di Noord, Pareha 20, Mas Estrellas que en el cielo, y fiesta di Lollipop tabata masha bunita. E cresh di Centro di Bario Noord den forma di Theater tambe a ser admira masha hopi.

Masters of the Universe di Caribe tabata tin algun carosa masha bunita, especialmente e Castillo shinishi y e avion pahra a sobresali den e parada aki y e parti di e grupo cu plumanan blanco Source-rers.

Por a ripara den e para-



da Brazilian Fantay, Richi's sexy dancers, Road On Fire, Donald Duck di fiesta, shining stars, kabouteran di Arubanita cu siman pasa a participa den parada di San Nicolas tambe.

Admirable tabata e grupo di Picaron cu a bini cu un grupo masha original y tipico, Cosecha di aña y nan carosa original masha bunita cu cosecha di verdad, di fruta y verdura.

E parada di mucha na Playa un biaha mas a saca cara di nos carnaval y ta ser spera cu e siman venidero e carnaval grandi lo ta mas grandi cu e expectativa, segun comentario-nan cu ta circulando.

DOS TRATAMENTO DI PARTI DI CRUZ CORA

ORANJESTAD(AAN)— Cruz Corra a haya su mes solamente cu dos caso di importancia pa trata durante parada di mucha ayera.

For di ayera mainta 10 or e preparativonan di parti di Cruz Corra a cuminsa, pa duna asisten-

cia durante parada di mucha.

Un total di 17miembro di e organizacion tabata ariba pia durante henter e ruta. Segun un vocero di Cruz Corra e parada ayera tabata masha tranquil y na dos ocasion mester a duna asistencia pa caso-

nan natural.

Di parti di cuerpo di bombero a haya e informacion cu pa 2.27 or nan mester a sali cu un truck di paga candela pa Casa de Granito. A bin resulta cu ta sushi a kima eyan y esaki a ser domina mes ora.

CONAOCA LINE

Consorcio Naviero Del Occidente, C.A.

Independent freight service between Miami, Fla. and Aruba, Curacao and Punto Fijo

First Sailing on February 20, 1985

● Bi - Weekly Sailings ● Rock Bottom Rates ● Over 45 Years of Experience in Shipping

We accept Full Container Loads, LCL (Less than Container Loads), Heavy Cargo, Boats, Automobiles, etc.

N.B. NO INCREASE IN LANDING CHARGES FOR FULL CONTAINER LOADS!

For further information please contact our Agents

IN ARUBA (Note Change)
Hapeq Shipping Corp. N.V.
c/o Coshipco
Weststraat 3
Oranjestad
Tel: 23632 / 24993

IN MIAMI (All Cargo Delivery)
Johnsons Shipping Agency
2974 N.W. North River Dr.
Miami, Fla. 33142
Tel: (305) 633-8085
Tlx: 80-7116 Johnship

IN CURACAO
Kroonvlag (Curacao)
Chumaceiro Kade 3
Willemstad
Tel: 612956 / 612119